

素問六氣玄珠密語卷一之二



御製

天地定位	陰陽協和	星辰順度	日月昭明
寒暑應候	雨暘以時	山嶽靖謐	河海澄清
草木蕃廡	魚鼈咸若	家和戶寧	衣食充足
禮讓興行	教化修明	風俗敦厚	刑罰不用
華夏歸仁	四夷賓服	邦國鞏固	宗社尊安
景運隆長	本支萬世	正統十年	十一月十一日



玄珠密語序

基一

余少精吾道苦志文儒三冬不倦於寒窗九夏豈辭於炎暑後因則天理位而迺退志休儒繼日優遊棲心至道每思大數憂短景以無依欲究真筌慮流年而不久故乃專心問道執志求賢得遇玄珠迺師事之爾即數年間未敢詢其太玄至妙之門以漸窮淵源方言妙旨授余曰百年間可授一人也不得其志求者勿妄泄矣余即遇玄珠子與我啓萌故自號啓玄子也謂啓問於玄珠子也今則

直書五本每本一十卷也頭尾篇類義同其  
目曰玄珠密語乃玄珠子密而口授之言也  
余於百年間不逢志求之士亦不敢隱沒聖  
人之言遂書五本藏於五嶽深洞中先饗山  
神後乃藏之恐後人志求者可以遇之如得

基一

遇者可以珍重之寶愛之勿妄傳之不得奇  
人不可輕授爾此玄珠子授余之深誠也此  
十卷書可見天之令運之化地產之物將來  
之災害可以預見之素問中隱奧之言可以  
直而申之可以修養五內資益群生有壽弱

補弱之門有祛邪全正之法故聖人云天生  
天殺道之理也能究其玄珠之義見之天生  
可以延生見之天殺可以逃殺陰符經云群  
天之道執天之行盡矣此者是人能順天之  
五行六氣者可盡天年一百二十歲矣其有  
夭亡蓋五行六氣遞相罰天故祖師言氣  
之道本天之機其來可見其往可追可以注  
之玉版藏之金櫃傳之非人殃墮九祖

素問六氣玄珠密語卷之一二同卷

啓

玄

子

述

五運元通紀篇

夫運者司氣也故居中位也在天之下地之上當氣交之內萬化之中人物生化之間也

基一

二

故運者動也轉動也即輪流運動往來不歇也於是太極始判橫五運於中輪流至今終而復始聖人望而詳之自開闢乾坤望見青氣橫於丁壬故丁壬為木運也赤氣橫於戊癸故戊癸為火運也黃氣橫於甲巳故甲巳

為土運也白氣橫於乙庚故乙庚為金運也  
黑氣橫於丙辛故丙辛為水運也故先輪五  
運後紀司天也即常以司天為客也運氣為  
主也在泉亦為客居氣間氣為次客也故五  
運之氣上合於天於是木運之氣上合蒼天  
火運之氣上合丹天土運之氣上合靛天金  
運之氣上合素天水運之氣上合玄天故蒼  
天之氣經於鬼柳危室即丁壬二分也丹天  
之氣經於角軫牛女即戊癸二分也靛天之  
氣經於心尾參井即甲巳二分也素天之氣

經於亢氏畢觜即乙庚二分也玄天之氣經  
於張翼婁胃即丙辛二分也故蒼天有青氣  
經於四宿下合木運以同丁壬也丹天有赤  
氣經於四宿下合火運以同戊癸藍天有黃  
氣經於四宿下合土運以同甲己素天有白  
氣經於四宿下合金運以同乙庚玄天有黑  
氣經於四宿下合水運以同丙辛於是五運  
五色之中經流之內迺分六氣於是青氣之  
中天生風風生木於地也赤氣之中天生暄  
暑即君相二火也即熱生火於地也黃氣之



中天生濕濕生土於地也白氣之中天生清  
燥燥生金於地也黑氣之中天生寒寒生水  
於地也故天有六氣者是風暄暑濕燥寒是  
也地產五行者是水火土金木是也於六氣  
五行上下相合萬化生成悉由之爾五蟲衰  
天生王悉由之爾五蟲者即毛蟲羽蟲倮蟲  
甲蟲鱗蟲是也即以師子為毛蟲之長應木  
也鳳凰為羽蟲之長應火也人為倮蟲之長  
應土也龜為甲蟲之長應金也龍為鱗蟲之  
長應水也此五者總於萬類也故運者丁壬

木運即壬主剛丁主柔剛為太過柔為不及  
太過即木氣傷土不及即自衰自衰即反受  
金刑戊癸火運即戊主剛癸主柔剛為太過  
柔為不及太過即火氣傷金不及即反受水  
刑甲己土運即甲主剛己主柔剛為太過柔

為不及太過即土氣傷水不及即反受木刑  
乙庚金運即庚主剛乙主柔剛為太過柔為  
不及太過即金氣傷木不及即反受火刑丙  
辛水運即丙主剛辛主柔剛為太過柔為不  
及太過即水氣傷火不及即反受土刑此者

是運氣之剛柔盛衰之意也故運從干生干  
有十即五陽五陰配地之六陰六陽共成六  
十甲子也即甲戌丙庚壬為陽干陽干主陽  
年陽年即子寅辰午申戌此六歲即陽干相  
臨也皆主太過也於是乙丁巳辛癸為陰干

基一

四

陰干主陰年陰年即丑卯巳未酉亥此六歲  
即陰干相臨也皆主不及也又不及者謂其  
中有平氣也其平氣者假令丁卯歲木運故  
曰平氣也何以故丁雖為木之柔卯雖陰年  
謂卯為木相佐於丁之柔故得平氣也假令

乙酉年金運故曰平氣也何以故乙雖為金之柔酉雖陰年謂酉為金相佐於乙之柔故得平氣也假令辛亥年水運亦曰平氣也何以故辛雖為水之柔亥雖陰年謂亥為水相佐於辛之柔故曰平氣也假令癸巳年火運亦曰平氣也何以故癸雖為火之柔巳雖陰年謂巳為火相佐於癸之柔故曰平氣也假令巳年遇丑未歲巳雖為土之柔丑未雖陰年謂丑未土相佐於巳之柔故曰平氣也其辰戌亦是土位此二年為陽年各主太過也

又一法每年交司於年前大寒日假令丁年  
交司之日遇日朔為壬日丁得壬名曰干德  
符也符者合也便為平氣也若過此一日縱  
遇皆不相濟也若交司之時遇時直符見壬  
亦然過此亦不相濟也其餘皆類也即已逢

基一

五

甲辛遇丙癸逢戊乙逢庚皆為干德符也非  
交司日時除此日時不相濟也又於不及歲  
中逢月干皆得符合也不相濟也若未逢勝  
而見之干合者即平氣也若行勝以後行復  
以畢逢月干者即得正位也細述於後祕文

也

迎隨補寫紀篇

五行六氣各有勝復故木將行勝也蒼埃先見於林木木迺有聲震星光芒是其兆也又木將勝也宮音失調保蟲不滋雨濕失令也

十二月先取其化源也此謂迎而取之也迎者於未來而先取之也故取者寫也用鍼寫其源也即木氣將欲勝者即先寫肝之源出

於太衝

左足大指本節後三寸陷者中迺肝脉所過為源

先以左手

按其源穴得動氣迺下鍼鍼入三分迺陽之

位也以得天氣而住鍼留三呼即應木之生  
數三也迺四面以手彈之令氣之鍼下即推  
而進至五分留八呼應其木之成數八也是  
引天氣而得地氣也鍼頭似動氣相接也迺  
急出其鍼次以手捫之此是預知木勝寫木

肝之源也令不剋其土也其用藥者即用辛  
平之罰木之勝用甘全之佐土之衰無令食  
酸物佐木之勝也火之將勝也遠視天涯光  
輝赤氣山川草木先迺焦枯甲蟲之體遍生  
燥疥商音之聲先迺失調於三月迎而取之

化源火木王之前先取其心之源也故心之

源出於太陵

掌後兩骨間陷者中

先以左手

按其源穴得動氣迺下鍼鍼入三分迺陽之

位也以得天氣迺住鍼留二呼迺火生數也

乃四面以手彈之氣至鍼下即推而進鍼至

基一

六

於五分留七呼應火之成數也是引天氣而

接地氣也鍼頭似動其氣相接也急出其鍼

可泄寫有餘之氣此寫包絡小心之源也應

相火之勝也其君火之源者故名曰少陰之

源也少陰之源出於兌骨

此是真心之源在掌後兌骨之端陷



者中一名中都神刺法同前法其用藥者即用鹹

平之罰火之勝也用辛金之補金之衰勿食

其苦物佐火之勝也土將勝也山石先潤黃

埃四起溽暑迺作雲氣迺擾霧翳迺施羽音

先少是其候也於五月迎而取其化源也先

取寫脾之源也故脾之源出於太白在足內側

陷者中是足太陰所過為源先以左手按其源穴得動氣

乃下鍼鍼至三分陽之位也留五呼應土之

數也以手彈之氣至鍼下迺推而鍼至五分

留五呼亦應土之數也是謂引天氣而接地

氣也鍼頭似動急出其鍼取寫其有餘之氣  
令脾氣不盛勿傷腎也其用藥者用酸平之  
罰土之勝用鹹全之補腎之衰勿食其甘物  
佐土之勝也金將勝也西風數起松篁發籟  
土生鹵白地氣先燥山彰白氣肅殺廼作木

基一

七

凋草萎角音廼虧是其兆也於六月迎而取  
其化源即先寫肺之源也故肺之源出於太  
淵在掌後大筋一寸五分間陷者中是手太陰所過為源先以左手按

其源穴得動氣廼下鍼至三分陽之位也留  
四呼應金之生數也以手四面彈之氣至鍼

下推而進鍼至五分留九呼應金之成數也  
是謂引天氣而接地氣也得氣乃急出之可  
寫肺氣之有餘也令勿傷肝也其用藥者即  
用苦平之罰金之勝用酸全之補肝之衰勿  
食其辛物佐金之勝也水將勝也天色沉陰  
鳴鳥不語太虛暝黯陽光不治冷氣先至微  
音不及熒惑不見是其兆也於九月迎而取  
其化源也即先寫腎之源也故腎之源出於

太谿

在足內踝下起大骨下陷中是足太陰所過為源也

先以左手按

其源穴得動氣迺下鍼鍼入三分陽之位也

留一呼應水之生數也以手四面彈之令氣  
至鍼下即推而進鍼至五分留六呼應水之  
成數也是謂引天氣而接地氣也得氣即急  
出之即寫腎氣之有餘無令傷於心氣也其  
用藥者即用甘以平之罰腎氣之勝也用苦

全之補心氣之衰也無令食鹹物佐腎之勝  
也凡資其化源者何也故資者補之取者寫  
之當寫其勝實補其衰弱也假令木氣之勝  
土當衰弱也故寫其肝源補其脾源也火氣  
之勝金當衰弱也故寫其心源補其肺源也

土氣之勝水當衰弱也故寫其脾源補其腎  
源也金氣之勝木當衰弱故寫其肺源補其  
肝源也水氣之勝火當衰弱故寫其腎源補  
其心源也故資補其化源者故先以左手按  
其源穴得動氣迺下鍼便至五分陰分地之  
氣留呼即從其五行之生數也得地氣之動  
迺抽鍼至三分陽分天之氣是謂引陰至陽  
白資補化源留呼即次從五行之成數也故  
以外至內而出曰寫也以內至外而出曰補  
也故以補爲資以取爲寫也即勝者取之虛

者資也

素問六氣玄珠密語卷之一

素問六氣玄珠密語卷之二

啓

玄

子

迷

運符天地紀篇

甲子中土運太宮土氣有餘其名曰敦阜土  
行雨化即歲中濕令過多氣傷腎藏受病久

及膀胱鱗蟲不資保蟲太盛脾氣之勝也民  
病腹痛清厥意不樂體重煩冤上應鎮星甚  
則肌肉萎足痿不收行善契脚下痛飲發中  
滿食減四支不舉變生得位藏氣伏化氣獨  
治之泉涌河衍涸澤生魚風雨大至土崩潰

基一

九

鱗見于陸地病腹滿澹泄腸鳴反下甚兩化  
五此土太過之令也甲午之年化令同  
乙丑中金運少商災九宮七宮即西方兌在  
人爲肺四時應秋此即謂金不及也其名從  
革即火行勝令來勝於金庶物以茂燥爍以

行民病肩背脊重歔噓血便注下收氣乃後  
令勝之至甚有金子爲水水來救母名曰復  
勝復勝即寒雨暴至零冰雹雪霜殺氣陰厥  
且格陽上行頭腦戶痛延胃項發熱丹穀不  
成民病口瘡甚則心疼清化四從生數乙未  
之歲化令之正同於此年

丙寅中水運太羽水氣有餘其名流行上刑  
天令不化也中剋心藏受病即寒氣流行邪  
害心火民病身熱煩心燥悸陰厥上中下寒  
謔忘心痛寒氣早至甚則腹大脛腫喘咳寢



汗出憎風大雨至埃霧朦鬱寒化六從成數  
此太過之政丙申之歲化令准前此水化之  
令轉盛之爾何以故申金金生水運之餘逢  
申之年更甚也

丁卯中木運正角運得平氣也其名數和所

謂平氣也即金不來勝木亦不災土故化令  
各得其時故曰平氣也又曰歲會也謂丁木  
運卯爲木其氣相佐丁年正月是壬寅月壬  
與丁合其干德名曰干德符也故歲勝風化  
三從生數也正化日也即化令依時元他令

至故正化日也故丁酉歲運同即不得年力也年酉為金也正月壬寅月亦名干德符也勝符亦不至也即不名歲會風化三生數也同丁酉年化令更甚

戊辰中火運太徵火氣有餘名曰赫曦即氣

基一

十

勝肺藏受病久及大腸甲蟲乃殃秋冬熱夏令炎熱其化之政只其半也何以故上見司天水臨之火減其半也熱化七從成數正化度無他令也戊戌之年皆如此  
已巳中土運少宮災五宮五宮即中宮也卦

應坤位在人為脾四時應夏蟲為倮蟲土不  
及名曰卑藍即四時化氣之令不正木乃來  
勝大風數舉民病痞滿黃疸胛腫雨濕之氣  
不化倮蟲乃天勝之深也金乃來復復之至  
也白埃四起肅殺乃至木葉凋落民病肝藏  
毛蟲反困復罷脾氣猶虛至九月甲戌月已  
得甲力得其干合方還正宮雨化五巳亥之  
政同於此化

庚午中金運太商金氣之有餘也其名堅成  
也氣勝即傷肝白埃四起殺氣如雲生氣不

令成氣乃過毛蟲過困草木晚榮民病即眩  
脇氣痺四支筋攣目瞑喜怒其化雖災亦不  
至甚也只得其半也何故謂上見少陰君火  
臨之年午亦為火也故金令衰其半也木之  
災亦少也燥化九從成數也庚子之年異同

基一

十一

也年子是水金氣相得其災至勝也清化九  
從成數也

辛未中水運少羽災一宮一宮坎位在人為  
腎四時應冬蟲即鱗蟲也水氣不流名曰涸  
流也即土來行勝濕乃大行長氣反用其化

乃速暑雨數至民病腹滿身重濡泄寒瘍流  
水不冰腰股痛發腮膈股膝不便煩寃足痿  
清厥脚下痛甚則肘腫藏氣不正復之發也  
木來救水大風暴至草偃木零生長不鮮面  
色時變筋骨併碎肉爛瘳目視眩眩物墨肌  
肉眦發氣并膈中痛於心腹黃氣乃損稭穀  
不發復罷水氣寧至七月丙申月水運正羽  
寒化一從生數邪化日令時不正也辛丑之  
令如此也

壬申中水運太角木氣有餘其名發生也即

大風摧拉氣刑脾藏久及其胃也風氣流行  
脾土受邪民病發泄食減體重煩冤腸鳴支  
滿化氣獨治雲物飛動草木不寧甚則搖落  
反脇疼而吐風化八從成數邪化度也正令  
失時也壬寅之歲其氣更甚也亦名歲會也

寅木壬木相會合也

癸酉中火運少徵災九宮九宮南方離位在  
人應心四時爲夏即火氣不及也其名伏明  
也心藏自衰夏令不正羽蟲乃天即水來行  
勝水之至也勝則寒乃大行長氣不正物燬

而下凝慘而甚則陽氣不化乃折榮美民病  
胃中痛脇支滿脇痛背肩脚間及兩臂內痛  
鬱胃矇昧心痛勝至深火有子爲土來救之  
毋復勝之至埃鬱大雨且至黑氣乃溽民病  
耆澹腹滿食飲不下中寒腸鳴泄注痛攣痿

基一

十三

痺足不任身復罷火氣始平後五月戊午月  
癸遇干合火還正徵熱化二從生數邪化日  
失於正令也癸卯之歲亦如此也

甲戌中土運太宮土氣有餘其名敦阜土行  
雨令即溽暑埃濕太虛埃昏雲雨時令氣過

即傷腎久及膀胱化氣有餘藏氣不令民病  
即氣厥陰痿足脛寒少力失精鱗蟲乃困氣  
盛即風舉勝遷民病嗔恚否塞黃疸上勝天  
令弗從雨化五亦曰邪化則政令失時甲辰  
之年對化斯令

乙亥中金運正商平氣也其名審平也所謂  
平氣者謂三月得庚辰月早見干德符也乙  
柔見庚剛即氣還正位也火未得壬故未勝  
而先平也火不勝即水不復也又亥是水亦  
得年力故火不勝也清化四從生數也正化



日無他令即本化依時也乙巳歲火來小勝  
之爲巳爲火可佐於勝也即於二月中氣間  
君火時化日火來行勝金氣行勝少商從大  
徵勝之不久不待水來復即遇三月庚辰月  
乙見庚而氣自全金還正商氣以平也

十一

十三

丙子中水運太羽水氣有餘也其名流衍水  
之盛也上剋司天化令不從丙爲水運干之  
剛也亦是水也太陽司天太過即水氣臨火  
令長不從藏氣之勝也心藏受病久及小腸  
羽蟲乃殃鱗蟲乃育寒化六從成數也亦邪

化日夏矢時正也丙午之歲小異之爾午即  
火也火得年力丙雖運剛水之勝也謂火居  
南方午位得離正氣佐故夏令得化心藏不  
病羽蟲不災熱化得正化日無他邪所至也  
丁丑中木運正角木德平氣也其名數和何  
謂也不候金行勝而先得干符合也始得初  
氣遇正月壬寅月丁雖爲木運柔丑雖陰年  
謂壬爲木運之剛與丁合德也丁遇壬而氣  
還全即金不行勝火亦不復故木德正角生  
氣時令木亦不傷土民乃康保蟲毛蟲甲蟲

各得其育風化三從生數正化日也依時政  
令不失時也丁未之歲氣化運齊天依丁丑  
之政也

戊寅中火運太徵火氣太過其名赫曦也氣  
運行先天也即太過來早故云先天也又運

與天合德名曰天符也即上見少陽相火司  
天即運與天同火其氣甚盛暑流行金肺受  
邪民病病瘧少氣欬喘血溢泄注下噎燥耳  
聾中熱肩背熱甚則胷中痛脇肢滿膺背肩  
脾間痛兩臂內痛身熱骨痛而為浸淫收氣

不行長氣獨明以表火勝熱化七從成數邪  
化日政令失時戊申年小異之即申為金佐  
於肺肺受火刑其氣稍實民病得半也故小  
異之爾其餘之令亦如此

已卯中土運少宮土氣不及災五宮五宮即

甚

占

中央也在人應脾氣分四氣蟲為保蟲土其  
名卑藍木乃來刑即木行風勝於土風乃大  
行化氣不令草木茂榮飄揚而甚秀而不實  
民病殄泄霍亂體重腹痛筋骨繇復肌肉疰  
酸勝至甚也金子來復復之至則收政巖峻

草木蒼凋胃腹暴痛下引小腹善大息蟲食  
甘黃氣客於脾穀乃減食少失餐復罷土  
氣未正後至九月甲戌月土還正宮兩化五  
邪化日失正令也已酉之年異於此歲酉金  
也勝之懼之故木勝之微爾

庚辰中金運太商金氣有餘其名堅成金氣  
有餘即生氣乃萎收氣乃殺即白埃四起草  
木蒼落林木肅殺燥乃鹵田白色民病於肝  
毛蟲還困肱脇氣痺淋洩便難目瞑轉筋燥  
化九從成數邪化日春令失政庚戌之運准

此

辛巳中水運少羽水氣不及也災一宮一宮  
北方坎位在人應腎蟲為鱗水之衰也其名  
涸流即乾涸竭也即土行勝水也土行雨令  
即名曰雨化行勝勝之至也至於第四氣中

基一

十五

即大雨霖霽腎病乃危久及膀胱鱗蟲還瘁  
弗令水危困篤木乃來復勝也大風數作揚  
塵高舉摧折林木飛砂走石如是即土氣虧  
脾藏乃病保蟲反殃木復罷土猶未全至七  
月丙申月辛得丙合水還正羽水炁方全寒

乃化一邪化日失政令也辛亥之年小異之  
爾何以故亥爲水雖陰年亥水與辛水運相  
佐之日歲會水得平氣即土不勝木不復故  
得正羽正化日寒化一從生數也

壬午中木運太角木氣之有餘也其名發生  
壬木運運之剛也午陽年陽年太過故太氣  
之盛也即生氣之令太過運行先天風化乃  
盛化氣不令雨濕還虧脾藏受病久及其胃  
保蟲不育風化八從成數邪化氣失令壬子  
之歲亦然也

癸未中火運正徵火得平氣也其名昇明何以故即左右二火爲間氣相佐之也又五月戊午月先得干符也癸見戊而氣全也先得符力水未行勝故曰平氣即水不勝而土不復也火又不災九宮故名正徵熱化依時令

正化日無他令熱化二從生數癸丑之令准前

甲申中土運太宮土氣有餘其名敦阜也土行雨令即化氣之盛也藏氣不時邪干腎藏久及膀胱鱗蟲乃因寒凜反溫雨濕流行民



病腹痛清厥意不樂體重煩寃甚則肌肉萎  
足不收行善契脚下痛飲發中滿食減四肢  
不舉兩化五邪化日也藏氣不正甲寅之歲  
異於此何以故寅木也木可刑土氣之平也  
即藏氣平自令鱗蟲得育腎氣均正化日也

基一

十六

故得無他邪也

乙酉中金運正商金得平氣也名曰審平也  
七宮不災火勝不至水復不來甲蟲自育肺  
藏氣寧何以故乙雖為金運之柔酉雖陰年  
故酉為西方金位金氣相佐故得平氣也長

氣亦不刑生氣殺氣自正清化四從生數正  
化曰無他邪也乙卯之年異於此歲中金運  
少商金氣之不及其名從革即火得二之氣  
君火分中來行勝即暄熱至甲蟲歿肺乃病  
勝之不及久水未行復其氣以平何故也三  
月庚辰月乙得庚合合其干德金運正商其  
氣乃平使殺氣不失其令清化四從生數邪  
化日有他邪也

丙戌中水運太羽水氣有餘其名流衍水得  
丙戌之剛戌上見太陽水同於寒其氣臨火

長氣失政炎暑乃虧暴冷時問藏氣乃盛其  
皆冰雹其令寒零凜冽羽蟲廼忘藏病危久  
及小腸民病心熱煩心燥悸陰厥上下中寒  
譖忘心痛寒氣早至寒化一六生成二化并  
天令也邪化日失政令也丙辰之化准此

基一

十一

丁亥中木運正角木得平氣其名數和木氣  
不災三宮何以故丁雖為木之柔亥雖陰年  
今於正月壬寅月丁得壬合壬德相符故平  
氣也故運得干合即木氣乃全即金不行勝  
火不來復也木亦不傷土令也使時令各得

其化故曰正化日也風化三從生數丁巳之  
正依斯令也

戊子中火運太徵火氣有餘其名赫曦上與  
少陰君火合德日天符也火行暑令即炎暑  
大行夏令太過其變鬱蒸其眚炎爍如是即  
心氣有餘邪炎肺藏久及大腸甲蟲不滋殺  
氣失政肅殺無威暑化於成數戊午之年名  
曰太子天符三會合也即戊火運上少陰君  
火午爲南方爲位即三位火合德其化轉甚  
邪化日秋失正也

巳丑中土運少宮土不及災五宮五宮即中  
宮也在人應脾卦為坤主氣為四氣蟲即保  
蟲土不及其名早監土行雨令濕化乃虧木  
乃來刑木行風令即風化行勝也勝之至也  
得初氣而至早也風木之時化之正也脾乃

病久及胃保蟲困篤四氣還虧土至危金乃  
至至而燥來燥來復勝勝木也木反衰肝乃  
病次及膽土乃靜脾病愈保蟲舒土至九月  
甲戌月巳得甲為干合其德土還正宮方伏  
位名曰兩風勝復同也邪化度邪化者相刑

勝之名也兩化五已未之令准於斯正

庚寅中金運正商金得平氣也其名審平也  
寅爲陽庚主太過何言平氣也謂上見少陽  
相火司天下臨剋於金故天刑運運不能太  
過故罰盛而見平也其氣亦傷肝也即爲小

基一

十八

災爾毛蟲小困春令清干燥化九從成數邪  
化不盛庚申之歲金得太過從太商金名曰  
堅成謂申金爲佐之故金氣傷肝久及其膽  
生氣之令不殺金氣太過燥化依令  
辛卯中水運少羽水氣不及災一宮一宮即

北方坎位也水在人應腎水不及其名涸流  
即乾涸竭也即土氣來勝刑於水也上施雨  
令名曰雨化勝也勝之至也至於第四氣即  
土得時化故勝爾太虛埃昏雲氣以擾雨令  
頻化腎藏乃病火乃膀胱鱗蟲困篤冬令反  
溫流水不冰水困之危木來復剋木者水之  
子木行風令名曰風化勝復同也即大風復  
勝於雨土即脾反病保蟲殃土氣復危如是  
即土氣方緩至七月丙申月水還正羽寒化  
一從生數邪化日失正令辛酉亦然

壬辰中木運太角木氣有餘其名發生其氣  
盛木有餘木令於風風乃大舉鼓折鳴紊用  
施摧拉氣過即傷脾父及其胃保蟲不育化  
氣不令風化八從成數邪化日也夫正令壬  
戌之令亦從此歲之令

基一

十九

癸巳中火運正徵火得平氣其名昇平也巳  
雖陰年癸雖為柔一謂巳為火亦名歲會二  
謂水未得時化三謂五月戌午月癸得戌合  
其干合故得平氣也即水不來勝火不來復  
即火令依時熱化二從生數正化日依時正



癸亥中火運少微火不及災九宮九宮南方  
離位在人應心蟲為羽蟲火不及其名伏明  
謂亥為水故異於巳也即水得年力便來行  
勝即暴寒勝間民病於心久及小腸羽蟲乃  
病勝至甚土來復勝勝之水困腎反病及鱗  
蟲至五月戊午月火還正微其氣乃平邪化  
日失政令矣

素問六氣玄珠密語卷之二



